

**574. fundur Sveitarstjórnar Tálknafjarðarhrepps haldinn Strandgötu 38, 10.
júni 2021
og hófst hann kl. 18:00.**

Fundinn sátu:

Bjarnveig Guðbrandsdóttir (BG), Guðni Ólafsson (GÓ), Ingibjörg Ósk Þórhallsdóttir (IÓP), Björgvin Smári Haraldsson (BSH), Lilja Magnúsdóttir (LM) og Ólafur Þór Ólafsson (ÓPÓ).

Fundargerð ritaði: Ólafur Þór Ólafsson, Sveitarstjóri

Oddviti býður fundarfólk velkomið og athugar hvort athugasemdir séu við fundarboðun, svo var ekki og oddviti lýsir fund 574 lögmætan.

Oddviti óskar eftir afbrigðum á dagskrá um að erindi frá Snerpu ehf. dags. 10.06.2021, með málsnúmerið 2106212 verði tekið á dagskrá og var það samþykkt.

Dagskrá:

1. Kjör oddvita og varaoddvita 2021 - 2106202

Kjör oddvita og eins varaoddvita sveitarstjórnar til eins árs í samræmi við 7. gr. Samþykkt um stjórn Tálknafjarðarhrepps nr. 1280/2013.

Sveitarstjórn kýs samhljóða að Bjarnveig Guðbrandsdóttir verði oddviti sveitarstjórnar og Guðni Ólafsson verði varaoddviti.

2. Valkostagreining - 2106168

Verkefnistillaga frá RR ráðgjöf ehf. dags. 31.05.2021 vegna valkostagreiningar fyrir Tálknafjarðarhrepp vegna hugsanlegra sameiningarviðræðna. Markmið verkefnisins er að greina styrkleika, veikleika, ógnanir og tækifæri Tálknafjarðarhrepps ef til sameiningar sveitarfélagsins kemur. Í því felst jafnframt að greina sameiningarvalkosti.

Jafnframt er lagt fram bréf sveitarstjóra til Ráðgjafanefndar Jöfnunarsjóðs sveitarfélaga dags. 01.06.2021 þar sem óskað er eftir styrk til vinnslu valkostageiningu á sameiningarkostum Tálknafjarðarhrepps ásamt bréfi frá Samgöngu- og sveitarstjórnarráðuneytinu dags. 07.06.2021 þar sem kemur fram að samþykkt hafi verið að veita Tálknafjarðarhreppi styrk vegna verkefnisins.

Sveitarstjórn samþykkir samhljóða samkomulag við RR ráðgjöf ehf. vegna valkostagreiningar fyrir Tálknafjarðarhrepp. Sveitarstjóra er falið að rita undir samning þess efnis.

3. Slökkvilið og sjúkraflutningar - 2007077

Tillaga Samráðsnefndar Vesturbyggðar og Tálknafjarðarhrepps frá 60. fundi hennar sem fór fram 27.05.2021 um að ekki verði farið í sameiningu slökkviliðs og sjúkraflutninga að svo stöddu.

Sveitarstjórn samþykkir samhljóða tillögu samráðsnefndar um að ekki verði farið í sameiningu slökkviliðs og sjúkraflutninga.

4. Umferðaröryggisáætlun - 2008145

Umferðaröryggisáætlun Tálknafjarðar dags. 1. maí 2021 lögð fram til staðfestingar. Jafnframt er lögð fram kostnaðaráætlun vegna framkvæmda vegna áætlunarinnar. Mál frá 50. fundi Byggingar-, skipulags- og umhverfisnefndar sem fór fram 08.12.2020.

Sveitarstjórn samþykkir Umferðaröryggisáætlun Tálknafjarðar samhljóða með þeim athugasemdum sem fram komu á fundinum. Sveitarstjórn leggur áherslu á að sumarið 2021 verði nýtt til framkvæmda samkvæmt áætluninni og framlagðri kostnaðaráætlun.

5. Viðaukar 2021 - 2106200

Á fundinum verða lagðir fram viðaukar vegna fjárhagsáætlunar 2021.

Frestað til næsta fundar.

6. Persónuverndarfulltrúi Tálknafjarðarhrepps - 2106201

Lögð er fram tillaga að fyrirkomulagi vegna persónuverndarfulltrúa Tálknafjarðarhrepps og samningur við Thelmu Dögg ehf. vegna þess.

Sveitarstjórn samþykkir framlagðan samning og fyrirkomulag vegna persónuverndarfulltrúa Tálknafjarðarhrepps og felur sveitarstjóra að rita undir samninginn.

7. Virkjun Hólsár - 2102649

Lögð fram endaleg útgáfa af skýrslu um frumhönnun Hólsárvirkjunar. Mál frá 573. fundi sveitarstjórnar sem fór fram 12.05.2021.

Skýrslan er lögð fram. Sveitarstjórn þakkar vel unna skýrslu og felur sveitarstjóra að gera hana aðgengilega á heimasíðu sveitarfélagsins.

8. Forathugun vegna Hitaveitu Tálknafirði. - 2106196

Skilgreining og kostnaðaráætlun frá Verkís dags. 02.06.2021 vegna forathugunar á hitaveitu á Tálknafirði, sem væri tengd virkjun Hólsár.

Sveitarstjórn samþykkir samhljóða að ganga til samninga við Verkís um forathugun á hitaveitu á Tálknafirði í samræmi við framlögð gögn.

9. Söngleikurinn "Góðan daginn faggi". - 2105092

Styrkumsókn móttekin 17.05.2021 vegna söngleiksins "Góðan daginn faggi" sem verður frumsýndur á Tálknafirði helgina 3.-4. júlí 2021.

Sveitarstjórn fagnar þessu menningarframtaki Bjarna Snæbjörnssonar á Tálknafirði og samþykkir samhljóða að veita verkefninu styrk að upphæð kr. 50.000,-.

10. Sumarlokun skrifstofu - 2105079

Minnisblað frá sveitarstjóra dags. 07.06.2021 þar sem lagt er til að skrifstofa sveitarfélagsins verði lokuð 19.07.2021-08.08.2021 vegna sumarleyfa.

Tillagan er samþykkt.

11. Sumarleyfi sveitarstjórnar 2021 - 2106199

Minnisblað frá sveitarstjóra dags. 07.06.2021 þar sem lagt er til að reglubundinn fundur sveitarstjórnar í júlí 2021 falli niður vegna sumarleyfis í samræmi við 8. gr. Samþykkt um stjórn Tálknafjarðarhrepps.

Tillagan er samþykkt.

12. Plæging ljósleiðara og rafstrengs í utanverðum Tálknafirði - 2106212

Erindi frá Snerpu ehf. dags. 10.06.2021 þar sem óskað er eftir því að sveitarstjórn taki afstöðu til jarðvegsframkvæmda á forsvari Snerpu í dreifbýli sem felast í plægingu á ljósleiðara- og rafstreng við utanverðan Tálknafjörð frá Polli.

Í samræmi við 6. gr. laga nr. 106/2000, um mat á umhverfisáhrifum, hefur sveitarstjórn Tálknafjarðarhrepps farið yfir tilkynningu framkvæmdaraðila. Niðurstaða sveitarstjórnar er að strenglagningar í utanverðum Tálknafirði, séu ekki líklegar til að hafa í för með sér umtalsverð umhverfisáhrif, sbr. viðmið í 2. viðauka laga nr. 106/2000. Því skal framkvæmdin ekki háð mati á umhverfisáhrifum, né tilkynningaskyld til Skipulagsstofnunar.

13. Fuglinn fljúgandi - 2106184

Erindi frá SEM-samtökunum dags. 03.06.2021 vegna verkefnisins "Fuglinn fljúgandi".

Lagt fram.

14. Ársyfirlit slökkviliðanna 2020 - 2105061

Ársyfirlit slökkviliðanna í Vesturbyggð og Tálknafirði fyrir árið 2020.

Lagt fram.

15. Tillögu til þingsályktunar um endurskoðun á laga- og reglugerðarumhverfi sjókvíaeldis, 640. mál - 2105105

Erindi frá nefndasviði Alþingis dags. 19.05.2021 þar sem tillaga að þingsályktun um endurskoðun á laga- og reglugerðarumhverfi sjókvíaeldis, 640. mál, er sent til umsagnar. Jafnframt er umsögn sveitarstjóra dags. 26.05.2021 vegna málsins lögð fram.

Lagt fram.

16. Tillaga að friðlýsingu þjóðgarðs á Vestfjörðum - 2105139

Umsögn sveitarstjóra til Umhverfisstofnunnar dags. 26.05.2021 vegna tillögu að friðlýsingu þjóðgarðs á Vestfjörðum. Jafnframt er lögð fram umsögn Fjórðungssambands Vestfirðinga dags. 26.05.2021 um sama mál.

Lagt fram.

17. Aðgerðaráætlun um forvarnir meðal barna og ungmenna gegn kynferðislegu og kynbundnu ofbeldi og áreitni - 2106192

Sameiginlegt erindi Forsætisráðuneytisins og Sambands íslenskra sveitarfélaga dags. 28.05.2021 vegna þingsályktunar um forvarnir meðal barna og ungmenna gegn kynferðislegu og kynbundnu ofbeldi og áreitni ásamt erindi frá Sambandi íslenskra sveitarfélaga dags. 03.06.2021 þar sem aðgerðaráætlun 2021-2025 vegna þessa er kynnt.

Erindinu er vísað til umfjöllunar í Fræðslu-, menningar-, íþrótt- og æskulýðsnefnd Tálknafjarðarhrepps.

18. Útgáfa á breyttu starfsleyfi Arnarlax ehf. í Patreks- og Tálknafirði - 2106190

Tilkynning frá Umhverfisstofnun dags. 07.06.2021 vegna útgáfu á breyttu starfsleyfi Arnarlax ehf. í Patreks- og Tálknafirði.

Lagt fram.

19. Framboð á grænkerafæði í leik- og grunnskólum - 2105072

Áskorun frá Samtökum grænkerana á Íslandi dags. 11.05.2021 til sveitarfélaga landsins varðandi framboð á grænkerafæði í leik- og grunnskólum.

Lagt fram.

20. Fundargerð XXXVI. landsþings Sambands íslenskra sveitarfélaga - 2101550

Erindi frá Sambandi íslenskra sveitarfélaga dags. 01.06.2021 þar sem stjórn sambandsins hvetur sveitarfélög til að taka skýrslu Framtíðarseturs Íslands, sem var kynnt á landsþingi 21.05.2021, til umræðu í sveitarstjórn og undirbúa sig þannig fyrir landsþing 2022. Jafnramt er umrædd skýrsla lögð fram ásamt fundargerð XXXVI. landsþings Sambands íslenskra sveitarfélaga.

Lagt fram.

21. Breytingar á jarðalögum nr. 81/2004 - 2106176

Erindi frá Atvinnu- og nýsköpunarráðuneytinu dags. 28.05.2021 þar sem nýsamþykktar breytingar á jarðalögum nr. 81/2004 eru kynntar.

Lagt fram.

22. Launaþróun sveitarfélaga - 2106179

Erindi frá Sambandi íslenskra sveitarfélaga dags. 01.06.2021 þar sem minnisblað um launaþróun sveitarfélaga dags. 26.05.2021 er sent til sveitarfélaga til kynningar.

Lagt fram.

23. Ályktun stjórnar Félags atvinnurekenda vegna fasteignamats 2022 - 2106187

Erindi frá Félagi atvinnurekenda dags. 03.06.2021 þar sem ályktun stjórnar félagsins vegna fasteignamats fyrir árið 2022 er komið á framfæri.

Lagt fram.

24. Upplýsingagjöf sveitarstjóra 2021 - 2101521

Sveitarstjóri fór yfir stöðu ýmissa verkefna og voru umræður um þau.

Rætt.

25. Fundargerðir samráðsnefndar Vesturbyggðar og Tálknafjarðarhrepps - 2008190

Fundargerð 60. fundar Samráðsnefndar Vesturbyggðar og Tálknafjarðarhrepps sem fór fram 27.05.2021.

Lagt fram.

26. Fundargerðir 2021 Vestfjarðarstofu - 2102683

Fundargerð 36. stjórnarfundar Vestfjarðarstofu og Fjórðungssambands Vestfirðinga sem fór fram 28.04.2021.

Lagt fram.

27. Fundargerðir 2021 Heilbrigðiseftirlit Vestfjarða - 2103024

Fundargerð 133. fundar Heilbrigðisnefndar Vestfjarðarsvæðis sem fór fram 06.05.2021 ásamt fylgigögnum.

Lagt fram.

28. Fundargerðir stjórnar Hafnasambands Íslands - 2101560

Fundargerð 434. fundar stjórnar Hafnasambands Íslands sem fór fram 30.04.2021.

574. fundur
11.06.2021

Lagt fram.

29. Fundargerðir stjórnar Samband íslenskra sveitarfélaga - 2102594

Fundargerð 898. fundar stjórnar Sambands íslenskra sveitarfélaga sem fór fram
28.05.2021.

Lagt fram.

Oddviti þakkar fundarmönnum góðan fund og slítur fundi.

Fleira ekki gert. Fundi slitið kl. 22:00.

Bjarnveig Guðbrandsdóttir
(BG)

Guðni Ólafsson (GÓ)

Ingibjörg Ósk Þórhallsdóttir
(IÓÞ)

Björgvin Smári Haraldsson
(BSH)

Lilja Magnúsdóttir (LM)
